

Ohre

(Tron / Skelt!, Tron)

Y ka nid tanze, doch do schissy druff, aber
Wenn y losleeg isch rundumme e Buff, y tanz dr
Boogaloo dance, y tanz' my Pseudo-Hop, my
Tanzstil, isch en einzige Flop, doch
Wenn y mi beweg' zue dä fettä Schleeg,
Mergg' y wie n'y my über nütt meh uffreg', i mym
Buuch isch's warm wenn Deggi duet blingge, und
Ych im Meer vom Hip Hop due versingge, y
Ha kei breity Hose und wie gseit y ka nid tanze, und
Ha zue allem leid au kei Hilfi am Ranze, doch y
Ha zwei Ohre und die loose
Loose solang bis s'Drummelfäll duet verbloose
Niemer könnt my meh rette
Wenn öpper ally Beats würd entfettä, doch y
Dängg nid dra denn eso isch's am beschte
Und möcht lieber emol Euch dört usse teschte:

REFRAIN

Hän dr Ohre, denn looset zue, hän dr
Bei, denn bewege sy drzue, hän dr
E Härz, denn machet's uff, und
Gönned euch e fescht, mached eine druff!
Hän dr Ohre, denn looset zue, hän dr
Bei, denn bewege sy drzue, hän dr
E Härz, denn machet's uff, und
Gönned euch e fescht, mached eine druff!

Y bi nid dr Bescht aber das muess y au nid syy
The almighty master of the ceremony
E nütssagende Skillmagier Mr. Hip Hopperfield
Wo gärn dr Old-, New-, Now-School-Cop spiilt
Y bi nid uff Hip Hop, denn är isch in mir
Steady B, Public Enemy and Premier
Eric B. & Rakim, Whodini, EPMD
Sytt minere Jugendzytt mini Peripherie
"Who's da baddest MC in the whole Galaxy?!"
Das isch nid wichtig, d'Froog isch, bisch mitem Härz drbyy?
Mir bräche uss uss dr Monotonie, mit Schtimmepolyphonie
Bringe Vibez in Euri Anatomie
Mit Poesie, Prosa, greimter Lyrik
S'Bewusstssyy erwitteret, Lady Jane an dr Stüürig
Hip Hop, tu sei mi amore
Sin dr warm, hän dr heiss, und vor allem

REFRAIN

Mached eine druff, diend euri Füüdle schüttle
Tiend dä Penner näben euch wachrüttle, d'
Uhr in Sagg und dört söll sy au blyybe, in dr
Zwüschezytt dien mr Schweiss, uss dä Poore dryybe, Hip
Hop in d'Ohre yyne, denn dr Hip Hop das isch myne, en
Ändloose Loop und myny Sunne die duet schyyne, da
Boom-Bip, da Boom-Bip

Tanz mit dyne Ohre, denn das isch hip, doch be-
vor dr aaföhnd wie die wilde ummeztoobe und dr
Göönd em Penner näbedra bereits an d'Garderobe, be-
vor dr duuregheiet bis zum letschte Küüch
Vorhär frog' ych euch schüüch

REFRAIN

Vocals **Tron & Skelt!**

© 1999 P-27 (SUISA)